




Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 551 225; Fax: 033 551 226  
E-mail: [nasastranka@nasastranka.ba](mailto:nasastranka@nasastranka.ba)  
Web: [www.nasastranka.ba](http://www.nasastranka.ba)

Sarajevo, 20.04.2016.

Edin Forto  
Zastupnik Naše stranke u Skupštini Kantona Sarajevo



**Dostaviti:**  
Predsjedavajuća Skupštine Kantona Sarajevo  
Vlada Kantona Sarajevo  
Ministarstvo privrede Kantona Sarajevo

Poštovani,

U skladu sa članom 151. i 152. Poslovnika Skupštine Kantona Sarajevo, Edin Forto, zastupnik Naše stranke u Skupštini Kantona Sarajevo dostavlja slijedeće:

**AMANDMANE NA PRIJEDLOG ZAKONA O  
TURIZMU**

**Amandman I**

„Član 40. se briše.“

**Obrazloženje:**

Turistički vodič kao vrsta djelatnosti kao samostalni obrtnik, ima pravo da svoje usluge postavlja prema uslovima tržišta i konkurencije. Nema logike da tu cijenu određuju strukovna udruženja, koja na ovaj način samo mogu da sputavaju tržište, s tim da u posljednjih nekoliko godina turizam Kantona Sarajevo je u porastu, smatramo da treba obezbjediti slobodno tržište za ovakvu vrstu obrta, ta da oni sami imaju pravo postavljanja cijene svojih usluga, s obzirom da su nezavisni. Ovim zakonom se ne ograničava da strukovna udruženja predlože cijene za usluge turističkih vodiča, ali smatramo da nemaju pravo da postavljaju ograničenja cijena.

**Amandman II**

„Član 8. stav 3 se dodaje i glasi :

3) Strategija razvoja se mora donijeti u šest mjeseci od dana donošenja odluke o proglašavanju nekog lokaliteta turističkim mjestom.“

**Obrazloženje:**

Ovdje se radi o tome, da ukoliko se određeno mjesto proglasi turističkim mjestom, jako je bitno imati definisan rok razvojne strategije za isto, radi što efikasnijeg iskorištavanja potencijala datog turističkog mjesta. Bilo kakva vrsta odgađanja i zanemarivanja strategije razvoja znači da se ne pristupa ozbiljno takvim projektima, što za posljedicu ima dugotrajne posljedice u vidu izmakle dobiti.

### **Amandman III**

„Član 11. stav (5) se dodaje :

5) Pravilnik se mora donijeti u roku od šest mjeseci od dana proglašenja lokaliteta turističkim mjestom.“

**Obrazloženje:**

Ovdje se radi o tome da pravilnikom se uređuju svi detalji vezani za pojedinu situaciju, te pravilnikom se pobliže objašnjavaju stavke iz zakona. Jako je bitno da postoji konkretan rok za donošenje pravilnika, jer ako bi se ostavilo neodređeno smatram da uopšte ne bi bilo fokusa na pravilniku, stoga predlažemo ovu promjenu koja će nadležni organ obavezati da u roku od 6 mjeseci mora donijeti pravilnik.

### **Amandman IV**

„Član 82. stav (2) se mijenja i glasi :

(2) Sredstva prikupljena po osnovu boravišne takse isključivo za razvoj i unaprijeđenje turističke ponude kantona.“

**Obrazloženje:**

Smatramo da boravišna taksa uopšte ne bi trebala da se koristi za pokrivanje tekućih troškova, nego da njen puni iznos se koristi u vidu razvoja i unaprijeđenja turističkog asortimana Kantona Sarajevo. Naime ovo je idealan način da se obezbjedi stalni budžet za ostvarivanje dugoročnih planova vezanih za unaprijeđenje turizma u Kantonu Sarajevo. Plaće radnika i ostali tekući troškovi će se namirivati iz ostalih izvora finansiranja predviđenih ovim zakonom.

### **Amandman V**

„Član 67. stav (1) se mijenja i dodaje se tačka e) koja glasi :

e) Ured za podršku turizmu“

**Obrazloženje:**

Naime smatramo da postoji potreba za ovaj organ u turističkoj zajednici , iz razloga gdje ce isti biti spona između nadležnih organa i samostalnih poduzetnika i ugostitelja. Ovaj organ bi bio najviše zadužen za olakšavanje procedura, registracije ugostiteljskih objekata poput hostela, soba na kraće periode, prilikom određenih manifestacija u Kantonu Sarajevo. Ovo će turizam kantona podići na

jedan novi nivo, jer će potaknuti više osoba da se uključe u razvoj sezonskog turizma. Te stoga smatramo da će ovaj organ imati veliku ulogu u razvoju turizma Kantona Sarajevo.

## Amandman VI

„Dodaje se član 75. koji glasi :

Ured za podršku turizmu

- (1) Skupština Turističke zajednice osniva ured za podršku turizma.
- (2) Ured za podršku turizma će obavljati usluge koje će olakšavati razvoj turizma u turističkoj zajednici.
- (3) Ured za podršku turizmu će obavljati poslovnu komunikaciju između samostalnih ugostitelja i nadležnih institucija s ciljem ažurnijeg obavljanja usluga iz polja lokalnog i sezonskog turizma, posebno pri registraciji djelatnosti iz oblasti turizma.
- (4) Ured za podršku turizmu će vodi sezonski registar prijavljenih ugostitelja, vodiča, i drugih samostalnih poduzetnika u oblasti turizma ;
- (5) Ured za podršku turizma pravilnikom propisuje posebne uslove u pogledu stručne spreme, radnog iskustva, znanja jezika i drugih posebnih znanja i sposobnosti, koje moraju ispunjavati zaposleni u uredu za podršku turizmu.”

### Obrazloženje:

Ovaj ured za podršku će biti poveznica između malih i srednjih ugostitelja koji će svoj obrt registrovati sezonski i općine koja daje rješenja za obavljanje ovakve vrste djelatnosti, to znači ne samo da će se uštedjeti na vremenu sa papirologijom , te da će se efikasnost povećati mnogo više jer ured će biti specijaliziran za pružanje usluga brzog registrovanja sezonskog ugostiteljskog obrta, te vršiti usluge savjetovanja i uz naknadu koja će biti propisana pravilnikom Turističke zajednice. Na ovaj način će se postići rezultat koji će omogućiti svakom stanovniku Sarajevskog Kantona da pretvori svoj objekat u sezoni u ugostiteljski uz naknadu uredu za podršku turizmu propisanu pravilnikom., te bi se na ovaj način omogućila i lakša inspekcija i lakše osiguranje naplate boravišne takse.

S poštovanjem,



**Edin Forto**

Zastupnik Naše stranke u Skupštini KS

